

**FIFTH LEGISLATIVE ASSEMBLY OF MIZORAM  
(TENTH SESSION )**

**LIST OF BUSINESS  
FOR FOURTEENTH SITTING ON FRIDAY, THE 30<sup>th</sup> MARCH, 2007  
(Time 10:30 AM to 1:00 PM and 2:00 PM to 4:00PM )**

**PRESENT**

1. Speaker at the Chair, Chief Minister, Deputy Speaker, 11 Ministers and 26 Members were present

**QUESTIONS**

2. Questions entered in separate list to be asked and oral answers given

**PRIVATE MEMBERS' BUSINESS**

3. \* Resolutions.

**S P E A K E R** : “Ani chuan khawvel hi fel takin ro a relsak ang, thlei bik nei lovin mitin ro chu a rel ang”.

SAM 9:8.

Zawhna kan la nghal ang a. Starred Question No. 221-na zawt turin Member zahawm tak Pu Andrew Lalherliana i lo sawm ang.

**PU ANDREW LALHERLIANA** : Pu Speaker ka lawm e. Ka starred question No. 221- na Minister zahawm tak GAD changtu chhan a tan ka zawt a (a) Sorkar motor privatise hnu hian motor engzatnge a tihral tawh (b) Motor dawng thin dawng ta lo te tan hamthatna engnge siam sak an nih ? (c) Chutiang hamthatna chu an rank pui Officer zawng zawng hnenah pek ve an ni em ? Ka lawm e. ?

**S P E A K E R** : Chhang turin GAD changtu Minister zahawm tak Chief Minister ilo sawm ang.

**PU ZORAMTHANGA  
CHIEF MINISTER** : Pu Speaker, Member zahawm tak Pu Andrew Lalherliana zawhna. chhanna kha, Sorkar in a motor a privatise hnua a tihral tawh zat chu 681 a ni. Tin, motor dawng thin dawng ta lo te tana hamthatna kan siam dan chu Sorkarin special Car Loan Scheme a siam sak a. Chumi ang chuan an Car neih theihna tur ngaihtuah sak a ni. Tin, Officer zawng zawng hnenah pek an ni em tih kha chu Car Loan hi an chan theih nan, tunah chuan pek kim vek an la ni lova, an chan theuh theihna turin hmalak mek a ni e.

**PU ANDREW LALHERLIANA :** Alawmawm e, Pu Speaker, hei Sorkar motor privatise 681 lai a ni a. Sorkar chuan a save hnem hle ang tih a rin theih a. Tin, motor dawng thin dawng ta lo te tan hamthatna enge siam sak an nih tihah khan ka hriat sual loh chuan lo dawng thin a te hnenah khan POL pek an ni a. anmahni rank puite khatiang lo dawnglo te tan kha chuan pek an ni ve lo ang tih khan sawi a awm deuh tlat a. Khami kha anih chuan tun dinhmuna motor nei ta lo rau rau anih chuan a hrut rual vek theih lawm ni ? Eng zawng zawng pawhin tih kha ka zawhna nisela. Tin, hemi privatise hi 681 a ni a, a lawmawm hle. Amaherawhchu, Mizoram ah hian Motor privatise tur hi a la tam hlein hriat a ni a. Hei hi Sorkarin hmalak zel a tum em ? tih ka zawt e.

**PU LALHMINGTHANGA :** Pu Speaker, heta privatise sak tak te Car Loan ngaihtuah sak a Motor nei ve leh ta te hnenah hian tunah khan a zawhna neitu Member zahawm tak khan a sawi tawh a. POL pek an ni tih information kan dawng thin a. Chumi piah lamah Driver pawh pek an ni tih kan dawng bawka a. a dik ve ve em tih ka zawt duh a. A lo dik ve ve anih chuan privatise kha a van sawt awm lo ve, kalhmang dang deuh a awm dawn lawm ni privatise pawh chu. Semi Privatised pawh em ni ang khatiang nial nual kha chu

**PU ZORAMTHANGA CHIEF MINISTER :** Pu Speaker, kan Member zahawm tak te Pu Andrew Lalherliana leh Pu Lalhmingthanga zawhna kha hlawmkhat deuhhleka chhan theih niin a lang a. POL pek leh Driver pek tihlai kan Officer te hi an Sorkar motor kawllai te kan privatised sak thut anih avang khan ti thut lutuk lova tlem a zuih deuh hleka an tan pawh hrehawm lova siam dan Sorkarin kan dap a. An motor kan privatised khan disposed hralhna tur a kha a man tur a expert ten an chhut chhuah kha khang entitle Officer ti mai ila, tunhmaa Jt Secretary leh midang ho Secretary hovin a an khul duh chuan priority

pein kan khultir ta a, Sorkarin a hralhna tur ang kha. An khul duh loh a chhe zual leh eng ilo te chu a rate pangngai ang khan hralh (disposed) a ni a. Tam tak chuan anmahni motor kha an khul nghal a, an ta a lo ni ta a. Mahse, Driver kha an chuang ta teuh mai a ni. Khang kha voluntary retirement ah hian tam tak chu an chhuak a, chhuak kimlo engemaw zat an awm ta a. Khatiang anih rau rau chuan motor mahnia khalh theilo leh harsate pawh an awm dawn a, Driver chuang an awm bawk si chuan lo khalh sak rih sela a tha ang e, kan ti a. Kha kha chu nakin zela kal tur tihna ni lovin a zuk face out—na tura a chuang an awm tho si chuan kha mite kha lo hman ni sela. An awm tawh loh chinah chuan kha chu Sorkarin an voluntary retirement a an kaltir a an zo ta anih kha chuan hman tur an awm tawh lo tihnaah kan ngai a. Chuvangin tam tak chuan an nei tawh lova, a then chu harsa zualte chu Driver chuangtlai an awm chuan kan hmantir a.

Tin, POL hi a hmaa an dawn reng si, an Driver te laksak bawk, an motor laksak bawk vawi lehkhata ri thut lutluk kha chu kan theih chin chu tunhmaa an POL entittle pangngai ang kha chu Entittle Officer ho kha chuan la hmang rih phawt sela, la pe rih phawt ila, engchenge kan tlin ang tih chu kan hre lova. Nakinah chuan ngawi rawh u, ka pe thei tawh love kan tih chin te pawh a lo awm theih a. Chuvangin, a zuih dan deuhhlekk anni tan a hrehawm lutuk loh nan lo ti phawt teh u, kan in ti a, chu chu tuna kan kaldan a ni a.

Tin, privatised tur motor a la tam hle a, hei hi privatised zel tum a ni em ? tih kha a la awm te chu khawilai laiah emaw kan tum chho zel a. a tam lutuk tawh lova, tunah chuan. A bik takin Force lam amite chu kan privatised tak tak thei lova, raldo te leh Force annih avang hian . Heng hi chu a dan pawh a dang a, tih loh a dangah hi chuan chuti vakin a tam tawh law, tlema zawng khawilai la tihfel loh emaw chu a la awm a ni mai thei, mahse, khalai kha chu tihtham a awm vak tawh lo. Tichuan ka chhang zo em aw !

**PU LALRINLIANA SAILO** :

Pu Speaker, privatised thut anga a rawn sawi kha privatised hi a thut a ni lova, rei tak process a ni a. Kan hriat dan phei chuanin

Department khanin an Officer te khul tur kha in a enkawl sak a, a lo

repaired sak a, Workshop bill hi a tam em em a ni. Tikhan ti thut lovin malsawmna thuah hnih hli mai POL pe baw si Driver pe baw si, motor repair sak baw si a ni zawk lo maw ?

**PU ZORAMTHANGA** : Pu Speaker, a process chu chutia  
**CHIEF MINISTER** kar khat chhung emaw a lehlan chi  
rual a ni lova, rei tak engtinge  
kan tih ang tia Cabinet nen a  
ngaihtuah chhoh a, expert nen tih a ngai a ni tih chu mi pangngai tan  
chuan a chiang vek mai a, amaherawhchu, an motor kan laksak kha chu  
zawi zawiin kan laksak ri ai ri ai a ni lova, kan laksak ni khan a thut lo thei  
lo a ni. Chuvangin laksak anih tawh chuan khami darkar atang chuan laksak  
thut a ni. A processed kal chho erawh chu hun engemaw ti chen chu a duh  
laksak ri ai ri ai chi a nilo hrim hrim. Chuvangin lehlamah chuan an lo thuan  
tha a workshop bill a tam tih te kha chu anihna lai te pawh Sorkar motor  
te chu thuan that a ni a, hralh tur anih te chuan lo thuan that pawh kha a  
awm pawh a awm ang e. Amaherawhchu, tunah chuan sorkarin kha kha a  
disposed vek chuan a workshop bill leh bill dang zawng zawng chu Sorkarin  
kan pe dawn tawh lova, mimala a kal vek tawh avangin khami lama kha  
chu a in solved vek tawh hrim hrim a ni e.

**S P E A K E R** : Starred Question No.222 - na zawt  
turin Member zahawm tak Pu  
Lalduhoma ilo sawm ang.

**PU LALDUHOMA** : Pu Speaker, Information and Public  
Relations Department changtu  
Minister zahawm tak chhan atan ka  
zawhna - (a) Mizoramah RTI Act  
hman anih atangin Second Appeal engzat nge awm tawh ? (b) Information  
Officer atana ruat ten Information an pek that duh loh avanga hrem leh  
chawitir te an awm tawh em ? (c) An awm chuan a kim changin, tih a ni.

**Dr. R.LALTHANGLIANA** : Pu Speaker, kan Member zahawm  
**MINISTER** tak Pu Lalduhoma zawhna chhanna  
Chu (a) Pali an awm tawh tih a ni  
a. Kan chhiarchhuak leh lawk mai  
ang e. a chian nan (b) Information Officer atana ruat ten Information an pek  
that duh loh avanga hrem leh chawitir te an awm tawh em ? tih chu, la  
awm lo, tih kha a chhanna a ni. An awm a kim changinin ? tih kha a ni a,  
a la awm loh avangin a chhan theih loh tihna a ni.

**PU LALDUHOMA** : Pu Speaker, State dangah chuan  
information pek that duh loh  
avanga hremna te, lei chawitir te  
tam tak tak a awm tawh tih kan  
hria a, chutiang kan la neilo chu alawmawmah ngai ila. Kan zawh belh duh  
chu Mizoram chhunga Central Organization te, Corporation a ni emaw,  
Ministry hnuai Department a ni emaw, Post Office-te , State Bank te  
engemaw zat an awm ve a, chung chun kan ram chhunga cheng an ni si a.  
Khami te hnenah khan Information va lak dawnin helai a kan Commission  
neihte hnenah hian harsatna tawkin appeal lo siam dawn ta ila a theih ve  
em ? Nge Mizoram Sorkar hnuai ami chauh hi kan RTI hian a huam ? Tin,  
a huam velo anih chuan Central lamah te pawh clarification zawha kan State  
Information Commission hnuai tih ve theih tura tih hi a tha viauin ka ring  
a. Chumi kawngah chuan Sorkarin hma a la thei ang em ? tih ka zawt duh  
a. A pahnihna ah chuan Bihar angah chuan mipuiten mahni va kala  
Application va thehlut lovin telephone-in an hriat duh zawng hriat mai theih  
nan hmun tam takah Call Phone an dah ta a ni. Tahchuan, an hriat duh kha  
an va phone a, an lo duty a, an lo ziak a, khata Duty te khan application  
an lo siam sak diam a. Chu application copy chu Information duhtu hnenah  
nithum chhungin an pe a, a thehluhna tur hmunah duthte khan an lo thehluh  
sak mai a, pawisa sen a awm ve lo a ni, keinih chuan cheng sang tel te a  
sen a ngai a ni. Documents tam deuh kan duh chuan. Telephone Call hmang  
erawh chuan Rs. 10/- chauh an chawitir a, awlsam deuhin an ti mai a.  
Chutianga mipuiten Sorkar langtlang thei an neih lehzuat theihna tur leh  
awlsam zawka an thil hriat duh an neih theih nan, kan Sorkar hian hma a  
la ve thei ang em ?

**PU R.LALZIRLIANA** : Pu Speaker, ka lawm e. zawhbelhna RTI Office a Information Officer hnuaiia M.R. lak Commissioner hnuaiia M.R. lak te kha ngaimawh riau thenkhat te an awm a. Sorkarah leh Governor ah te an thlen a. Department danga an lak ngaimawh chuang lem lovin hei hi sorkarin action lak a tum e ? tih kha ka'n zawt duh a. Tin, RTI Office a hnalak tur advertisement chhuah tawh niin ka hria a. Khami chungchangah khan Sorkar lam hian an laksak dawn nge MDCC te anga Autonomy nei ve bawk an ni a, an hnathawh tur chu anmahni hian an la dawn, tih kha ka'n zawt duh a ni, ka lawm e.

**Dr. R.LALTHANGLIANA MINISTER** : Pu Speaker, ka lawm e. Commission hnuaiia M.R. lak kha ni e, ngaih pawimawh deuhhleak a ni a. Harsatna neuh neuh te pawh nei tawh a ni a.Chumi chungchangah chuan kan Governor te pawhin direction minrawn pe a. Tahchuan, advertisement a kha chu, Nodal Department kan nih angin Information & Public Relation lampang khanin kan han chhuah a. alak tuka erawh hi chu, Commission hi Autonomous body a ni a. Anmahnin an la anga. Application zawng zawng pawh a luhna tur chu, hemi State Election Commission a Secretary hnenah a lut khawm ang a, chu chuan a la dawn a ni tih ka chhanna ni ta sela. A chiang mai em ? Action lak dan tih pawh kha, a pahnih nen khan a in kawp thei maiin ka hria a. Chuan. zawhna neitu Pu Duhoma'n zawhna Phone call hmanga zawhna leh engemaw, application nithum chhunga an han ti mai thin tih State thenkhata an han tiha kha, thil tha tak pawh a ni mai thei a. Ni e, kan ti tan ve deuh chauh a. Hei, Ni e, khang kha engemaw tia, awlsam zawka facilities ti mai ila, mipuite tana tih theih tur ang kawng a awm anih chuanin, ngaihtuahna la hman theih tur angah ngai ila. Engpawh nise, hei hi kan lo chhinchhiah ang a. Tin, hei Mizoram State Sorkar hnuaiia Department ni lemlo. Corporation kan han tih, company kan han tih te NBC te pawh a ni ang a. Khatiang ang chite kha a zawhna te pawh a ni ang.

Tin, Communication kan tihte leh khangho Mizoram State Sorkar hnuaiia Department nilo chungchang hi, hei hi chu tun dinhmunah rih chuanin, State Information Commission hnuaiia mi anni lova. A theih tlat thin loh mai a. Chulai chu ka chhanna ni sela. Central

ah khuanin, a Headquarter ti mai ang Central Information Commission, New Delhi ah kan nei a. Chung hnuaia awm chu kan ni a. Khangah khan direct tihdan te pawh a awm mahna. Chuvang chuan danah fel taka siam anih avang hianin State hianin kan tih theih tur chu a awm a. Kan tih theih loh tur chin kha chiang taka a awm avang khanin, kha kha ka chhanna ni ta mai sela. Amaherawhchu, thil hriat duh pawmawh tak tak kha kan ram chhunga hnathawkte anni a. Tam tak te pawh an rawn invest ve a, kan hria a. Khangah khan engemaw, kan hriat duh ang chi thil a awm anih chuanin, a tihdan kawng chu a awm tur hrim hrimah chuan ka ngai a. amaherawhchu, hemi State Information Commssion a kan hna tur ang chi kha chu a ni chiah lova. Khulam pangin direction an rawn pe a. In State chhung ami a ni tia min rawn tihchhuah tir an ni erawh chuan kawng te pawh chu a awm mahna. Chu chu ka chhanna a ni e.

**S P E A K E R** : Awle, Starred Question No. 223-na Zawt turin Member zahawm tak Pu R.Lalzirlaiana ilo sawm ang.

**PU R.LALZIRLIANA** : Pu Speaker, Disaster Management & Rehabilitation Department chang-Tu Minister zahawm tak chhan atan (a) -na Mizoram leh North Eastern State tam tak hi limging na tak awm thut theihna ram nia zir miten an ngaih a ni a. a lo thlen thut huna mihring te tih tur leh tih loh tur mai bakah hian Aizawl leh Mizoram khawpui danga In sak dan chungchangahte hian hetiang huna hlauhawm lutuk lo tura remruatna kawhhmuhna leh tihluihtirna hial emaw hi sorkar hian a nei em ? (b) A nei lo anih chuan chutianga in sak hlauhawm thei thunun theihna dan chu Mizoram Sorkar hian buatsaih vat a hun tawh lo maw ? tih ka zawt e.



**S P E A K E R** : Awle, chhang turin Disaster Management and Rehabilitation Department changtu Minister zahawm tak Pu Lalrinchhana ilo sawm ang.

**PU LALRINCHHANA MINISTER** : Pu Speaker, Member zahawm tak Pu R. Lalzirliana zawhna chhanna chu hei hi a ni e.

(a) Lirnging lo thlen phut huna mihringte tih tur leh tih loh tur chungchang hi Disaster Mangaement and Rehabilitation Department atangin inzirtirna Pamplet te, Hoarding te leh lehkhabu chi hrang hrangah leh advertisement te a chhuahin mipuite hriattir an ni a. Tin, V/C. te Block leh Village level te bakah Office Superintendent te leh School Zirtirtu te training hetiang lam hawi hi pek an ni tawh a. In sakte a him zawk nan leh kan khawpuite awmze nei zawka an than theihnan "The Mizoram Urban & Regional Development Act, 1990 leh Rules 1998 siamin hman a ni. Aizawl Development Act, 2005 in a sawi angin Aizawl Master Plan leh Zonal Development Plan siam turin hmalak mek a ni. In sak dan chungchangah hetiang huna hlauhawm lutuk lo tura kaihhruaina sorkarin Building Bylaws a siam mek a, tih luihna erawh a la hman lo.

(b) Zawhna (a)-na chhanna ang khian inthununna Dan, Building - bylaws duan mek a ni a, chu chu Aizawl Development Authority leh Municipality Council tur an la kengkawh ang chu.

**PU R.LALZIRLIANA** : Tawite Pu Speaker, zawhbelhna - Hei Gujarat vela hi a nghin khan Term hmasa lamah tawh khan. helaiyah pawh khan kan sawi nasa tawh khawp mai a. Building Bylaws siam a, tih luihna hiala kan intih hi a hun tawh a ni lawmni kan ti a. Vawinah chuan Municipality ten an la ti

dawn chauh a ni a. Hei hi dan kan nei tho si a, hei "The Mizoram Urban & Regional Development Act, 1990 ah te khanin a awm vek mai a. Chutiang ang chu kan tih hi tunah hian tan tak tak hi a hunin ka hria a. Disaster Management Committee te hi an active a, an tha khawp mai a. amaherawhchu, a nghin huna hei hi chu tih tur chauh a ni. A hmaa a preventive measure hi kan lak hi a ngai tak takin ka hria a. Chuta tan chuan JNNURM pawisa lo lut tur, hei kawng chhawng han siam vel te pawh a tha tho a. amaherawhchu, chu ai chuan a awmsa tihngheh nan hian sum hi a hman theih ang em ? tih kha ka'n zawt leh duh zawk a ni. Ka lawm e.

**PU LALRINCHHANA  
MINISTER**

: Pu Speaker, ni e, an sawi angin Mizoram hi linghing hlauhawm Zone a ni tih hi chianguang zawka hriatna hi a la rei vak lova.

chutiang thil chu Central pawhin min rawn hriattir hmaa insak hi PWD ah pawh private ah pawh khatiang taka fimkhur a in sakna hi kan nei lutuk lova, amaherawhchu, chutiang thil chu tunah alo awm takah leh hetiang in zirtirna an rawn kalpui hnuah hian linghing atanga thil him zawk in sakna tur thu hi PWD ah Hazard Safety Cell dintir an ni tawh a, tichuan, chumi te chuan chak zawkin hma an lak theihna tur chuan an hmanraw neih pangngai hian a tlin lova, chu chu anih avangin CPF sum atangin lakh 43 chumi atan chuan buatsaihsak a ni a, tichuan chung hmanrua chu an lei hunah chak zawkin hei hi detect chhuaha, tin, in pawh linghing atanga him tura sa tura hma la zui turin hmalaktir anni dawn a, tin, Town and Country Planning LAD siam building Bylaw pawh duan a ni a, chumi zawmlo tute hrem theihna tur pawh chu buatsaih chhoh niin a lang a, engpawh nise. he thil hi Disaster Management Department ringawtin tih hleihtheih loh thil PWD te nen Department dang dangte nen pawh inkaihhnawih thil a ni a. Chuvang chuan Disaster Management hi chuan heng thil mamawhna hi lo ti turin a Department mamawhte hnenah chuan hriattir a ni tawh a, a Department dang pawhin a theih ang angin hma an la mek zel e.

**S P E A K E R**

: Starred Question No. 224-na zawt turin Pu Sailothanga Sailo ilo sawm ang.

**PU SAILOTHANGA SAILO** : Pu Speaker, ni hmasa lamah khan kan ngaithla tawh a - (a) 2006-2007 chhungin Taxation Department in chhiah engzat nge a khawnkhawm ? (b) VAT hmanga chhiah lak mek hi ennawn tumna a awm em ? (c) 'C' Form hi engtikah nge tihbo anih ang ? tih a ni e.

**S P E A K E R** : Chhang turin Taxation changtu Minister Pu B.Lalthlengliana ilo sawm ang

**PU B.LALTHLENGLIANA MINISTER** : Pu Speaker, Kawnpui bialtu zahawm tak Pu Sailothanga Sailo zawhna (a)-na chhanna chu, Kum 2006-2007 hi ala ral lova. amaherawhchu, 1.3.2006 – 28.2.2007 thlenga Taxation Department in pawisa a lakluh zat chu, Rs. 55,19,19,536 a ni a. (b)-na chhanna chu, tunah mai chuan Sorkarin ennawn tumna a neilo tih a ni a. amaherawhchu, helaiiah hian thil thenkhat engemaw lai a rate chungchangah khawih tum mek a awm a. Amaherawhchu, khang item a kha chu kan la ti zawh hma chuan sawi chi anih loh avangin vawiinah ka sawilo ang a. Tin, (c)-na chhanna chu 'C' Form hi "The Central Sales Tax Act 1956" hnuaia awm a ni a, chu dan chu Parliament siam anih avangin 'C' Form tihbo chungchang hi Mizoram thu a ni lova. Amaherawhchu, Empower Committee of State Finance Minister chuan Central Sales Tax tibo tur hian hma a la mek a, Central Sales Tax a bo vek hnu chuan 'C' Form pawh hi ngailo tura ngaih a ni. tih ka chhanna a ni e.

**PU ANDREW LALHERLIANA** : Pu Speaker, ka lawm e. Hei chhiah chungchang hi hmanni Demand sawi ni khan kan sawi viau a, kha lampang kha kal thui lovin. Amaherawhchu, kan thu hriatah hian kan Sorkar hian sumdawng Community hi confidence ah a la lo hlein a lang a. Hei keini a Opposition lam ten kan han dawr hian sorkar hian tha tur a kan ngaih lampang han suggest pawh hi

thildang hian min hnial thla ringawt mai thin a, an ti a. Vuina an nei a. Kan hriat sual loh chuan Pu speaker, Taxation a hemi Revenue te a sen theihna tura atul ber hi a rate ai mahin mipui Co-operation a ni a. defaulter te an awm theih lohna tur a hemi sumdawng Community hianin a an Co-operate that poh leh hemi hi Taxation ah hian Revenue a sang thin tih te hi kan lo hriat ve dan a ni a. Kan sawi sei pahin tawitein a sei chuang lo vang. Hei VAT introduce tirh hianin Opposition Sorkar-na zawng zawngin an Co-operate lova, kan hmang rih lovang an tih tuma an chhuanlamah pawh khan kan mipuite kan convince hma chuan keini chuan kan mipuite pawm loh hi kan barhlui dawn lo ti khawp khan an lo sawi kha kan lo hre ve thin a. A bik takin U.P. ah te, Rajasthan ah te leh Madhya Pradesh ah te. Amaherawhchu, a that avargin an hmang chho ta a ni. Vawiiini hianin ka zawh lduh chu sumdawng Community a bik takin Organisation hrang hrang awm ve te hi kan Sorkar hian chhiah lak danah leh a rate thlengin a kalpui danah leh a bawhzui danah hian kan rawn ve thin em ? Nge ni rawn lo hianin kan paltlang mai. Hemiah hian anmahni ngaihnan te lain a improvement tur te pawh hi suggestion an neih te pawh hi kan ngaihna ve em tih kha kan zawt tel duh a ni.

**PU ZODINTLUANGA** : Pu Speaker, zawhbelhna kha Melbuk Check Gate kharna chhan a kha Burma lam atanga bungraw rawn kal Manipur lamah a kal tam ta lutuk a ni ang a, tih enchhin nana khar a ni, tih khan kan Minister zahawm tak khan a sawi a. He Melbuk Check Gate kan khar chhung hian sorkarin a chhut danin Sorkarin Tax engzat nge a hloh ? tih ka rawn zawt e.

**PU B.LALTHLENGLIANA MINISTER** : Pu Speaker, Khawzawl bialtu zahawm tak zawhna, zawhbelhna chu Traders sumdawng Community hi Taxation Department hian heng an tih dawn hian an rawn thin em ? tih a ni a. Pu Speaker, he VAT introduce anih dawn lai vel khan Mizorama sumdawng pawl chi hrang hrangte vawi engemaw zat kan sawipui thin a. Hetia kan tih hnu pawh hian VAT Cell te kan siam a, Traders chi hrang hrang Association chi hrang

hrang te nen sawiho thin a ni a. Tunthleng hian chuan serious taka complain-na kan la dawng lova. Complain awm chu a theih ang angin kan enzui sak zel a ni.

Tin, Buarpui bialtu zahawm tak Pu Zodintluanga zawhna chhanna kha chu Hetia reilote suspend anih chhunga kan hloh ho hi chhutna kan la nei chiah lova, tunah mai chuan ka chhang thei rih lova, nakinah chhan kan la tum dawn nia. Tunah mai rih chuan ka chhang thei lo a ni e.

**S P E A K E R** : Starred Question No. 225-na zawt Turin kan Member zahawm tak Pu Andrew Lalherliana ilo sawm ang.

**PU ANDREW LALHERLIANA** : Pu Speaker, ka lawm e. Ka zawhna Power and Electricity Department changtu Minister zahawm tak chhan atan hetiang hian ka zawt a - (a) Sakawrtuichhun Transformer bomb chhiat tak leh, electric connection atan a ban leh wire zawng zawng leh a (Cost of installation) hnathawh man kha engzat man nge ? Kha Electric connection leh Transformer bun kha tu dil nge ? tih ka zawt e.

**S P E A K E R** : Chhang turin Power and electricity Department changtu Minister zahawm tak kan Chief Minister ni bawk Pu Zoramthanga ilo sawm ang.

**PU ZORAMTHANGA  
CHIEF MINISTER**

: Pu Speaker, kan Member zahawm tak Pu Andrew Lalherliana zawhna chhanna chu hetiang a ni e. Sakawrtuichhun a Transformer

bomb chhiat tak, khami electric connection te, a ban leh wire zawng zawng a bun nan (cost of installation) a hnthawh man nen tiam khan Rs. 17 lakhs senso a ni.

Tin, kha electric connection leh transformer bun kha tu dil nge? tih kha - He transformer hi Zawngram zau (Sakawrtuichhun) a electric hman tur sorkarin ruahmanna a siam a ni a. Tangkai zawka hman anih hmain bomb chhiat a ni ta hlauh a, a pawl hle a ni. Electric transformer bun hi chu mi hian rawn ti rawh u, an ti a. an dil sup sup mai a. A diltu record sen pawh hi a ni lova. Amaherawh chu Department in a kan bun theih heng hi chu kan bun a. Department in tul leh tlin a in tihna hmunah bun a ni e.

**PU ANDREW LALHERLIANA** :

Pu Speaker, a thui deuh tawh nang a kan zawh belh leh hrim hrim ang a. he hmun ami hi Sorkar thuneitu ten a tira bomb chhiat tirha an sawi

dan khanin mipui demand ang deuh a sawina kha a awm a. Amahreawh chu, mi pahnih khat lek benefit tura kal, mahse han sawi theih tura chulai zau chhuanlam theih tur chu a ni e an ti a. Amaherawh chu mi pahnih khat lek dil, chumi te tan a favour a man to taka install a ni tih kha kan lo hriat dan kha a ni a, a inmil lo deuh hlek a. Hei nuai 17 lai mai hman a ni a. Hei hi tuna chhanna kha mam tha hle rualin emaw mi pahnih khat thil ti thei deuh tan bika tih a ni lo maw? tih kha kan zawt nawn leh duh a ni e.

**PU LALCHHANDAMA RALTE** :

Pu Speaker, transformer bomb chhiat bakah hian kum 2006-2007 chung hian sorkar bungrua emaw. Office emaw bomb leh hal chhiat

dang a awm em? a pahnihna ah chuan, hemi chungchangah hian inhnawnawih mi man kan nei em? Mipuiin rindan neih thup, mahse. man

tak tak a awm leh awm loh kan hre chiahlo a. Ka zawt duh a. Pathumna ah, Sakawrtuichhun transformer bomb chhiat bul lawka Sangha dil hrai a awm ni a hriat a hi a dik em ? Hemi chungchangah hian case siam a ni em ? tih ka zawt e.

**S P E A K E R** : Ngawi rawh, kha niminah kan senior member Pu Hmingan advise min pe hlawm a, kan zawm tha hlawm viau dawn emaw ka ti a. kan peng leh deuh ta hlek a. A original question kha Sakawrtuichhun transformer tih kha hre thar leh ila, a tha awm e. Pu Zodintluanga I lo sawm ang.

**PU ZODINTLUANGA** : Pu Speaker, ka lawm e. zawh belhna chu Sakawrtuichhun transformer kha chhungkaw engzatin nge chhawr tih kha ka rawn zawt duh a. Tin, khulai transformer atanga mimal huan panna atana electric ban za dawn lai chu bun nan Sorkarin sum engzat nge a sen ? tih kha ka zawh belh duh a ni a. Tin, kha transformer kha mimal private tana siam a ni em ? Tute emaw huan bik leh thlam enkawl turin tih kha ka rawn zawt a ni.

**PU R.LALZIRLIANA** : Pu Speaker, zawhbelhna. Hei India ram a Police tha ber nei niin kan insawi thin a. Anmahni han chhuah zalen chuan thil tisualtute hi an man awl khawp mai a. He thuah hian Aizawl khawpui chhunga, hetiang thil thlengah hian, vawiin ni thleng hian man an la neilo niin ka hria a, mipuiin rin an nei a ni. Motor haltute pawh kha rin an nei a ni, engatinge an man theih loh ? Sangha hrailu te kha chu a relavant lo em mai a, motor hal pawh kha a relavant chiah lova, transformer a kha a ni a, kan zawh bik a chu. Transformer hal tute bomb tute pawh hi miin rin an nei a, Jeletine nge nia khang te pawh kha nidangah bomb puak hi chu Jeletine tihpuah a ni tih te, chanchinbu ah hian kan hmu mai thin a, khalaiah khan Police atanga

Jeletine tih identify-na pawh kha chanchinbuah hian ka lo hmu lova, kei thenkhat chuan R.D.X. a ni ang tihte an ring te an ti a. Khatiang tipuak thiam kha chu min rin an nei tlat a, engatinge kan man theih loh ka ti a ni.

**S P E A K E R** : Chhang turin Chief Minister ilo sawm leh ang.

**PU ZORAMTHANGA  
CHIEF MINISTER** : Pu Speaker, Power Department Question anih avangin Police in engatinge an man loh ? man an nei em ? enge ? eng bomb nge ?

tih lam a kha chu enquiry titu Department rawn a tih chi a ni a, chuvangin a Power Department lam chuan khalam kha kan hrelo em em mai a. Pakhat a kan sawi duh chu, heng hi mi pakhat tan em ni ? Pahnih tan em ni ? Pathum tan em ni ? a diltu teah hian thil tithei bik an awm em ? theilo deuh bik an awm em ? tih kha chu, thil tithei deuh te an awm ang a. ti theilo deuh te pawh an awm ang a, tin, a chhawr tute pawh an awm ang a. pakhat pawh an ni ang a, transformer reng reng hi chu mi tam takin a chhawr tur a ni a, tuna la chhawr lo te pawhin an chhawr zel ltur atan Power Department hian a remchang laiah chuan buna din zel pawh kan tum a ni. Tin, chu lovah chuan thildang hal chhiat leh thil man leh englo a awm em tih a kha chu, kha kha chu law and order thil deuh a ni a, I sawi ang khan khalam a kha chu Power Department Context anih loh avangin mipuiin kan hriat thup ang chin kha kan lo hriat ve chu a ni e. Tin, chu lovah chuan engatinge an man mai theih loh ? tih a kha chu, a Police lampang in an theihtawp chhuahin an bei a, eng ang case leh eng ang enquiry nge an lak chin a, khawinge an thlen a, tih a kha chu keini Power Department ina kan hriat a ni lova, kha kha chu Police enquiry thuruk an nih avangin vawiinah hian kan sawi thei lova, tih, a bomb man RDX nge Jeletine tih lam a pawh kha keini'n a kan han hriat theih tur chi pawh a ni law, enquiry la tuten a an hriat tur chi a ni ang e.

**PU H.ROHLUNA** : Pu Speaker, transformer kha chhungkua tam vak lo pahnih, pathum, a tam berah pali panga te tih kha a ni chauh a. Thingtlang khaw tam tak pawisa harsat avanga englo pawisa kan neilo tih hi a ni thin



a. Tin, kan bialah pawh Vaikhawtlang te, Salem te vawiin ni thlengin a la eng lova. Vaikhawtlang phei chu a bante pawh phun vek tawh KM. 6 a hma lawk ami Khuangphah 2000 kuma eng tawh kei pawhin ka sawi zing lutuk tawh a, Pu Speaker, House-ah pawh hian. Chungte chu an enna turin pawisa a awm thei bawh si lova. Chutihlai kara helai ami chhungkaw hnih khat lek ina a zar an zo tur an tih hi Power Department hian hleih an nei lutuk deuh a ni lo maw ? tih ka zawt duh a ni.

**PU ZORAMTHANGA  
CHIEF MINISTER**

: Pu Speaker, kan duhna hmunah hian Transformer te Sub-Station te, ban kan phun a. Extension hi kan ti kim theilo em em a. Thingtlang

khaw tam tak pawh kan la tih en theih loh avangin, chu chu Central Sorkarah pawh nasa takin kan dil a. Tichuan, kan mind-up nia kan sawi ang khan, RGGVY atangin thingtlang lam pawh, thingtlang lo pawh. Electrification atan pawisa crore 100 chuang lai min pe a. Chumi chuan an thawk dawn mek a. Tunah hian. Chuan, kan Zoram pum a theih ang chin chin chu kan cover kim theih thawkhat viau chu kan ring a. Khata tang khan kal vek kan tum a. Tin, a bunna laiah hian duhsak bik innei in tih hi chuan unau pianghmun pawh chhungkua ah ka u in duhsak bik, ka nau in duhsak bik inti vek hi kan ni a. a duhsak bika ngai duh tan chuan ngaih theih pawh a ni ang a. Khatiang chiah khan Zoram hmun dangah pawh anni in pe si, keini min pe lo tia sawi theihna chu a tam ang a.

**S P E A K E R**

: Le, Starred Question No. 226-na zawt turin Member zahawm tak Pu R.Lalzirliana ilo sawm ang.

**PU R.LALZIRLIANA**

: Pu Speaker, ka lawm e. Parliamentary Affairs Department changtu Minister zahawm tak chhan atan, (a) The Official Language Act,

1987 ang hian a takin Mizo tawng hi Sorkar hian a hman thei em ? (b) English hman loh theih lohna hmun tih loh, Sorkar hnathawhna tam takah

hian Mizo tawng hi Sorkar hian hmang turin thu a pe thei em ? tih ka zawt e.

**S P E A K E R** : Hei, kan Parliamentary Affairs changtu hi a thutnaah ka hmu lova. A aia chhang tur hi ruat anih ka hre bawk lova. Ani hi B.P. sang te hi nei thut thut a ni a. A chanchin hria kan awm em ? Hetiang hi kan la tawn ngai loh a ni a. A tihdan pawh ka hre vak lova. Engnge ni ? Skip rih ila, nidangah Minister ngeiin a lokal loh chhante leh a chhannate pe turin I beisei ang u. Dam lohna hranpa a nei anih lova, a lokal lo ringawt anih phei chuan a serious viau a ni.

Starred Question No. 227-na zawt turin Pu Lalchhandama Ralte leh Pu D.Thangliana te zawhna intawm kha. A tu zawkin nge rawn zawt ang ? awle, Pu Lalchhandam Ralte ilo sawm ang.

**PU LALCHHANDAMA RALTE :** Pu Speaker, Starred Question No 227 - na Social Welfare changtu Minister chhan atan (a) Social Welfare Department kaltlang hian Tar Old Age Pension mi engzat nge pek an nih ? Cheng engzat nge mi pakhat hnenah pek anih ? (b) Person with Disability Action a sawi angin pianphunga rualbanlo (Physically handicapped) te tan Sorkar hna reserve sak a awm em ? (c) Natural Handicapped Finance and Development Corporation kaltlanga pianphunga rualbanlote tan tanpuina awm thei atan hian Sorkarin engtin nge hma a lak ? tih a ni e.

**S P E A K E R** : Chhang turin Social Welfare changtu Minister zahawm tak Pu R.Tlanghmingthanga ilo sawm ang.

**PU R.TLANGHMINGTHANGA : MINISTER** Pu Speaker, kan Member zahawm takte pahnih zawhna chhanna chu hetiang hi a ni e - (a) Social Welfare Department kaltlang hian

Tar (Old Aged) Pension la mi 10,525 an awm mek a. December, 2006 thleng khan mi pakhat hnenah Rs. 100/- zel pek a ni a. (b) Person with Disability Act in a sawi angin pianphunga rualbanlo tan Mizoram Sorkar chuan Group C leh D post ah 3% reservation a siam. (c) National Handicapped Finance and Development Corporation atanga rualbanlote tanpuina awm theite hi Mizoram Sorkarin Block Quarantor a zawmin hma a la mek a ni.

**PU LALDUHOMA**

: Pu Speaker, hmanni khan ka sawi zuau tawh a. Hei kan ramah Social Work titute ropui tak tak Pathianin min pe a, alawmawm a, chu chu Sorkar pawhin a tanpui thin a, a tha a. Chung zingah chuan TNT hian Mother Teresa te rawngbawlna ang tluka ropui an thawk ve a ni a. Hengte hi chu tuma thik chi a ni lo a. A bik takin heng hi chu kan chawimawi a, Department pawh hian engemaw ti deuh taka han enkawl a, dan hi a awm em ? A bik taka kan recognised a ni tih lantirna tur hi ruahman an phu hlein ka hria a. Chumi kawngah chuan kan Sorkarin rilru a pu thei ang em ? tih ka zawt duh a.

Pahnihna ah chuan Social Welfare Department hian Anthurium an ching vein ka hria a. Chu chu engzat nge an lo tanpui ve a, an tihzawm zel dawn em ? Tihzawm zel chi a ni em ? tih a ni a.

Tin, rualbanlote pualin a hranpain Employment Exchange hi din nise, tiin Social Welfare Department hian a sut thin a. Mahse, matching share kan neih loh avangin kan pawisa dawn sa pawh a kir leh a. A hranpa a Employment Exchange neih sa ah hian a kilah room pakhat emaw an tan bik a dah a Cell siam hi a tha lawm ni tih ka sawi thin kha engchen nge Sorkar hian hma a lak ka zawt nawn leh duh a.

Tin, Durtlang Remand Home ah tui a harsat avangin inthiarna hmun pangngai a inthiar awih loin pawn lamah an inthiar thin a. Venra hnuaiah te inthiar a ngai a. a tu tan pawh thil nuamlo tak a ni a. Khati ringawt mai khan harsa takin an awm niin kan lo hria a, a dik em ? Chu chu a bik taka tuite pawh ngaihtuah dan a awm lawm ni ? tih ka zawt a ni.

**PU ZODINTLUANGA** : Pu Speaker, ka lawm e. Thil tithei deuh te theilo deuh te kan awm avang hian kan ram hi kan buai reng a ni. Zawhbelhna - Old Age Pension punna tur hi nikum Financial Year khan a lo thleng daih tawh ni khan a lang si a. September thla atang chauh khan a punna hi Upa hote hnenah hian pek a ni si a. Khami hma a Gap (akar) a tih pun loh a kha engtia hman nge tih ka zawt e.

**PU D.THANGLIANA** : Pu Speaker, Social Welfare Department hi pawimawh tak, kan pianhma atanga kan thih ni thleng min enkawltu, mi tam takin a kan peih loh kan tih theih loh tur thawktute an ni a, an chhuanawm hle a. Ka zawh duh chu - Pension tihpun tumna a awm em tih kha a ni a. Pahnihna ah chuan kuttualleichham /Rualbanlo te Sorkar hna a an reservation chungchangah hian, reservation nei an nihna ang hian thun an awm tawh reng em ? tih ka zawt belh e.

**PU LIANSUAMA** : Pu Speaker, tar pension latute hi chhumchhia tam tak an ni a. An tan CDPO hmunah emaw Directorate Office ah te emaw kal a harsa viau thin a. Chuvang chuan anmahni pual hian an awmna hnai berah account hawnsakin zirtirtuten hlawh an lak an siamthat thina kha tih mai hi a theih lawm ni, an tan a awlsam bawk ang a, han belh ta hlek ila, keini area ah phei hi chuan pawisa pe lo hian an hren sak rei em em mai a, Officiala engkim a fel tawh hnu si hian chung kal hlena anih bakah heng pension dawngtute tan hian a tangkai dawn em a, kan Minister hian ruahmanna a siam sak thei ang em tih kan zawtin ka'n ngen duh a ni.

**PU H.LALSANGZUALA** : Pu Speaker, kan lawm e. Hei, Social Welfare Department hi Department pawimawh tak a ni a, kan hriat angin tunah pawh Anganwadi kan tih te, Anganwadi chungchang kan zawt duh a. Tuna Aizawl khawpui chhunga Anganwadi teacher te leh a helper te lawmman an pek ang

leh thingtlanga an pek hi a in ang lo em ni ? tih kha ka zawt duh a. Phuaibuang khuaah chuan cheng 500 an pek laiin Aizawlah chuan cheng 1500 an pe a, chu chu enge a in an lohna. Tin, State dangte nen a in ang vek em ? Kan ram state hi Anganwadi helper leh zirtirtute lawmman kan pek a hi tih ka zawt e.

**PU R.LALZIRLIANA** : Pu Speaker, ka lawm khawp mai. vawiin ni hi kan record a ni awm hial ang. Zawhna kan thleng tam ta. Hmannia demand sawiho ah khan ka sawi nual tawh a, hei tar pension awlai zawka an lak theihna tur hian kan Minister zahawm tak hian ruahmanna hi a lo nei thei dawn em ? tih kha ka'n zawt leh a ni.

**PU R.TLANGHMINGTHANGA :** Pu Speaker, a hmasain Zuangtui  
**MINISTER** T.N.T. te saw duhsak an phu lo. Duhsak tanpuina lamah te pawh a tha lawm ni, tih ang lai Pu Duha  
rawn zawh leh suggestion kha, khalai kha, nia, keimahni lamin kan capacity pangngaiah hemi Social Welfare atanga Grant-in-Aid te Voluntary Organisation leh hetiang tanpuina awm thei ang angah hi chuan duhsak theih ang angin kan han duhsak a. Tin, hetihual hian keini Department in kan tih theih chin bakah hian hei, PWD lam atang te, PHE lam atang te heng atang te hian duhsakna awm thei ang ang hi chu duhsakna an pe thliah thliah a. Tui lak pawh saw PHE in a siam sak a Tichuan, an kutah hlan a ni a. chu lohah kalkawng saw a bik takin hemi Department PWD leh Social Welfare ka lak ho lai khan kawng saw a thalo em em a. Chuvang chuan hemi PWD programme Planning atangin a theih ang angin kawngte saw kan han black topped sak a, kan tih lensak bawk a. Tin, chu bakah tuna an in kawt ami field awm lo saw, tunah field zawng zawng saw laih sak a ni bawk a. An chhawr viauin kan hria a. A bikin Social Welfare ah chuan AnganwadiCenter saw kan siamsak bawk a. Sawmi atan sawn Central atangin tanpuina direct a kan pek nilo, recommendation a awm ang angte kan tihsak thin a. House dang pawhina tanpuina an dawn thin ang zingah hian a dawng tha pawl tak an ni a. Helai atangin pawisa dahlutin va pe lo mah ila Central atanga pek theih ang chi anmahnin direct a an pek an dilte recommendation te siamin keimahni ina pawisate va pe kher lovin anmahnin an dawng ve thin a. Regular leh duhtusam la ni chiah lo mahse, chutah chuan duhsakna ang ang chu kan ti zel a ni. Social Welfare hnuaiah hian

tihtur bik bithliah awm chuang lovin Department a thawktuten hemi Tribal Affairs hnuaiah hian Article 375 hnuaia Tribal te tana remchang siam an awmna leh mil ang anga tangkai tur atana siam kumtin hian engemawzat hi kan hmu a. Chumi atang chuan Anthurium kha nikumah khan an tel a. Chu chu a hlawhtling viauin kan hria a. A zawngchhang thlak viauin kan hria. Chu pawisa kan hmuh chu direct a ti lovin Horti-a concern Department ah kan pe zel a. Annin tul leh tha leh expert anih avangin an lo ti tangkai thin a. Kuminah hian a hlawhtling pawl tak niin an sawi a, kan lawm viauva. Nikum hmasa lamah khan Sericulture ah hian thingtlang mi te te ina Pangang khawia eizawngte han puia hetia Sericulture atanga tanpuina hmuh theih mai bakah anmahnin Thingtheimu hmunte an lo siampuina chuta an eizawnnate tih phuisui anih theih nan mi engemaw zat Pangang khawi tanpuina hi kan pe a. Thingtlang leh khaw chungah, tuihawk leh engemaw vanga fur laia lo lian thut avanga naupang thingtlang kilkhawrahte, Aizawl-ah ngei pawh, hei leihlawnte han siamsaka kalkawng lui lianin a dan loh nan te khua leh khua inkar te pawh suspension Bridge te kan siam sak a, bithliah bik awm lovin a tul ang anga hman tur anih avangin kan tichho thin a. tunah pawh hianin step te side-drain siamte khawchhung internal road siamte chu LAD in a tih theih vek sen loh te kan ti a ni.

Chuloah chuan, Thlanmual hi han in pek ngawt ngaihna a awm lova, chumi atan chuan thlanmual engemaw zat Aizawl khawchhungah leh thingtlang lamah pawh thlanmual lo khat tawh a dang ngaihtuah ngai mahse, ngaihtuahna mai remchang awm siloah khan tihphuisuina tur kan pe bawh a ni. Chutiang chuan chi hrang hrang kan tir chhova, helai hi Tribal leh khawpui leh thingtlang tan pawh tangkai a ni a, kan eizawna leh nitin atana mamawh atan kan ti tangkai viau a ni. Kan Member te pawh hian chutiang ang chuan ti ula a tha lawm ni ti a rawn suggest te pawh an awm a ni.

Pu Zodintluanga rawn sawi angin Old Age Pension hi tun maiah khan sanction ka hmu a, a thu chuan cheng zahnih a tihpunna kha September vel laiah khan kan hmu tawh a. Chu chu Rs. 75/- kan hmuh laiin Rs.25/- State atanga contribution neiin za kan pe a, tuna Rs.200/- alo nih hian Rs.50/- talin kan lo dah ve thei lawmni tiin Finance ah leh Planning kan dil a ni. Tunah hi chuan khalai hun a cheng za lo hmu thinte kha Rs.250/- pek turin arrear-in Finance in a rawn sanction chiah a ni. Rs.250/- an hmu thei dawn lo a ni. Awmzia pawh a nei a ni, a lakna hmunah hian. Aizawl-a an rawn kal vek kher mai hi a buaithlak a, tiin Department ho pawhin kan sawi ho zingin, tin, Lal lamah kan han ti a, an khawchhunga CDPO hnenah la rawhse, kan han pawng tih ngawt a. Chu

ai chuan entirnan, Khawruhlian lamah te chuan Thingsulthliah a va kal ai chuan Aizawl atanga lak kan duh e, an rawn ti leh lawi bawk si a. an convenient hi kan zawng reng a. Hemi an collection-na hmun tur ah hian khawtina han inpek ngawt kha a harsatna lai a awm a. Tunah hian kan hriatsual loh chuan Aizawl Directorate atanga lak aiin anmahni duhthlanna leh remchang an tihna hmuna Aizawla lak ai chuan anmahni duhna hmun-a la hi an tam tawh zawk a. Chutiang an convenience dan ang bera tih chhoh zel hi kan tum a ni.

Tin, hemi rualbanlote chungchangah hian Committee te neiin Department hian kan en chhova, chumiah chuan Employment lampang te pawh chungte nen chuan sawi hovin special Employment Exchange rualbanlote tana kan tih bik kha a harsa si a. Chuvang chuan tuna Employment Exchange ah hian a Cell siamin chumite tan bik chuan tihtheih dan a awm lawm ni tih kan ngaihtuah thin a. Tunah hi chuan a hranpain siam lo mah ila, Employment Exchange ah hian pianphunga rualbanlote tan hian a Cell siamin lo buaipuitu hi Labour & Employment Department in an lo siam tawh a. Chu chu a function chhoh mek a ni tih kha kan chhanna a ni.

Tin, Remand Home Durtlang ami khi tui harsatna kha Member zahawm tak Pu Lalduhoma khan a ngai pawimawh hle a, kha kha kan en chhova, an harsat dan leh tih ziaawm dan tur a pawh tunah hian en chhoh mek a ni a, Session lai tih a kha hetih tak hian kan ti ta e, han tih mai tur chu hmasawna han sawi thei mah ila tih chhoh leh hmasawm dan tur lai kha kan ngaihtuah mek a ni tih kha ka chhanna a ni e.

**S P E A K E R** : Pu H.Rammawi ilo sawm ang.

**PU H.RAMMAWI  
MINISTER** : Pu Speaker, thupha chawi ka duh a, Minute khat chiah, Question Hours a ka rawn luh lohna chhan kha min phalsak ang em aw ?

**S P E A K E R** : Kan phalsak ang em ? Hun remchangah kan ti dawn nia aw. Kan List of Business a tawp a, kan Question Hours a tawp a, List of

Business ah kan kal hmain thil tihfel ngai tihfel tur kan nei a. Lehkha pahnih ka dawng a, pakhat chu Home Minister hnen atangin Petition a ni a. Pakhat leh chu Member zahawm tak Pu Lalduhoma hnen atangin Motion a ni a. Hengte hi kan Member te hriatah kan chhiar chhuak ang e. Home Minister hnen atanga Petition ka dawn "The Hon'ble Speaker, Mizoram Legislative Assembly. The humble Petition of Tawnluia, Minister, Home Department etc. Mizoram, Tuikhuahtlang Under Rule 111 of Rules of Procedure and Conduct of Business in Mizoram Legislative Assembly. Subject :- House Inquiry Committee din chungchang. Ka pu, Dt. 26.3.2007 Budget Discussion lai khan MLA zahawm tak Pu R.Lalzirliana chuan, helte hnenah AK-47 Rifles 12 zet motor-a phur a pe angin Mizoram Sorkar a puh a. House pawn lamah a hmain sawi a awm loh avang leh Home Minister ka nihna ang pawhin engmah min hriattir loh avangin House chhunga Sorkar an puhna chu ka vawikhat hriatna anih thu leh lo enzui ka tum thu House ah khan ka sawi a. Chutiang tak chuan Police hote chu thil awm dan chhui turin ka hrih nghal a. He in puhna hi thu diklo a ni a. Mizoram Sorkarin hetiang thil kan tih lohzia leh midang han rinhlelh tur an awm leh awm loh pawh chiang lehzuala chhuichhuah a tul tak zetin ka hria a. Magisterial Inquiry emaw, Departmental Inquiry emaw han din dawn ila. House a sawi chhuah anih avangin kan M.L.A. te hian Sorkar an puhna leh an thil hriatdan chiah sawi turin an hmaah an in lan duh a rinawm silova.

Sorkar leh Zoram mipuite hian thu dik tak an hriat theihna tur in House Inquiry Committee din hi a tha ber in ka hria a, chuvangin a hma thei ang bera thudik tak chhui chhuak thei turin Assembly House Committee tha i tih anga min dinsak turin ka ngen a che. Name of Petition Tawnluia, Address, Minister, Home etc. Mizoram Tuikhuahtlang. Signature a awm a counter signature of member presenting hming K.Lalrinlana tih a ni a. 29.3.2007 a mi a ni. Hei hi ngaihtuah tlak pawh niin ka ring a. Amaherawhchu, member zahawm tak Pu Lalduhawma hnen atangin No Confidence Motion kan hmu a. Hei hi chinfel hmasak ber ngai a nih avangin Petition lam kha chu kan khawih thei hrih lo ang a. Member zahawm tak Pu Lalduhoma hnen atanga nimin tlai lama kan Motion hmuh hi uluk takin kan exam a. Dan ang taka rawn thehluh a nih avangin pawm loh theih loh ang motion a ni a. Amaherawhchu, House in he Motion hi pulut turin a pawmpui a ngai ta a. Member 10 aia tlem lovin min pawmpui a ngai a ni. Chumi a nih loh chuan keiin lo pawmsak mah ila bawhzui theih a ni dawn lova. Tichuan a motion hi kan chhiar ang a.



“House hian he Sorkar dinglaiah hian rinna a nei tawh lo” tih a ni. House hian he Sorkar dinglaiah hian rinna a nei tawh lo a ni tih a ni a. Hei hi kan Dan 141 na para 3- na in a phut angin, mi 10 talin an pawmpui a ngaia, chuti a nih loh chuan bawhzui theih a nilo anga, 10 emaw a aia tam emaw an pawmpui chuan bawhzui tur ani dawn a ni. Chuvangin, he Motion House hian he Sorkar dinglaiah hian rinna a nei tawh lo a ni tih hi ka pawmpui e ti apiang ding rawh u le. Kan Secretary ten lo chhiar sela, le.....a tawk e a lawmawm e, awle..... Member 12 in an pawmpui a, chuvang chuan he Motion hi fiah alo ngai ta a, tunah kan sorkar dinglai ber rintawk lohna Motion kan lo pawm tak si ah chuan business dang tihzui a rem tawh lova, kan Dan in a sawi angin Darkar 24 aia hmalo ni 10 aia tlai loah tiang Motion hi chinfel tur a ni. Chuvang chuan, Business dang kan la tawh rihlo anga, a rem tawh lova, kan chawl rih dawn a, he Motion hi thawhtan niah kan chai dawn a ni. chuan vawiin atan chuan kan chawl rih ang a, thawhtan ni April ni 2/2007. ah kan chhunzawm ang.

**PU LAL THANHAWLA** : Pu Speaker zahawm tak, khami kha Police te'n khami phurtu Sumo MZ-01 B/3645 khami khalhtupa Biaksanga hi man se, zawt se a fiah mai ang chu.

**SPEAKER** : Nia....khan inpuhna a awm a, a rawn thelut tawh a, chuvang chuan khalam kha chu kan thei tawh rihlo ang a, chuvang chuan, No Confidence Motion House ah admit a ni a, chuvangchuan, Business dang khawih tawh loin House kan adjourned ang a, thawhtanni April ni 2 dar 10:30 ah kan thukhawm leh dial dawn nia. Sitting is adjourned.

Sitting adjourned 11:40 AM.

...1097/-